

# Shet shugylasy



Shet aýdandyq qoǵamdyq-saiazi gazetі      Gazet 1937 jyldan bastap shyǵady      beisenbi, 18 mamyr 2023 jyl №20 (11 061)

## Аудан әкімдігінде

### БАЛАЛАРДЫҢ ЖАЗҒЫ ДЕМАЛЫСЫН ҰЙЫМДАСТЫРУ ҚАШАНДА МАҢЫЗДЫ МӘСЕЛЕ

Дүйсенбі, 15 мамыр күні аудан әкімдігінің мәжіліс залында аудан әкімі М.Мұхтаровтың төрағалығымен кеңейтілген аппарат отырысы болып өтті.

Аппарат отырысына аудандық мәслихат хатшысы С.Социал, аудан әкімінің орынбасарлары Д.Кәрсембаев, О.Стыбаев, мекеме, бөлім басшылары мен ауылдық округтер мен кент әкімдері арнайы келіп қатысты.

Күн тәртібінде “Жаз-2023” балалар мен жасөспірімдердің демалысы мен сауықтыру-ауылдық бағаларын тұрақтандыру бойынша, сондай-ақ, БАҚ және әлеуметтік желілердегі жұмыстар жөніндегі мәселелер қаралып, тиісті сала басшыларының хабарламалары тыңдалды.

Күн тәртібіндегі мәселелерді қорытындылаған



аудан әкімі балалардың жазғы демалысын жоғары деңгейде ұйымдастырып, тамақтандыру жағын қадағалауды, әсіресе лагерден тыс уақытта да балалардың қауіпсіздігіне назар аударып, ата-аналарына ескертіп, бақылауға алуды атап өтті.

Әлеуметтік маңызы бар азық-түлік бағаларын тұрақтандыру, әсіресе нан бағасына қатысты ауыл-

кент әкімдері мен тиісті сала басшыларына тапсырмалар берілді.

Отырыста сонымен қатар, БАҚ және әлеуметтік желідегі жұмыстарға және абаттандыру, тазалық жұмыстарына қатысты нақты тапсырмалар берді.

Өз тілшімізден.

## Кент әкімдігінде

### НАҚТЫ ТАПСЫРМАЛАР БЕРІЛДІ

Жуырда аудан әкімі М.Мұхтаров ауданымыздағы іргелі елді мекен Ақадыр кентінде арнайы іс-сапармен болды.

Сапар барысында аудан әкімі тиісті сала басшыларымен бірге алдымен кенттегі тазалық жұмыстарымен қатар, бүгінде кентте жүріп жатқан құрылыс нысандарын аралап, жұмыс барысымен танысты.

Мұнан соң аудан әкімі кенттегі кейбір шешімін күткен мәселелермен қатар, тазалық жұмыстарына байланысты мекеме



басшыларымен штаб отырысын өткізіп, кент әкіміне бірқатар нақты

тапсырмалар берді.

Өз тілшімізден.



## 21 мамыр - Мәдениет және өнер қызметкерлері күні

### Құрметті мәдениет және өнер саласының қызметкерлері мен ардагерлері!

Сіздерді 21 мамыр - Мәдениет және өнер қызметкерлері күнімен құттықтаймыз!

Бұл мерекені кітапханалар мен мұражайлар қызметкерлері, мәдениет үйлері және ауыл клубтарының қызметкерлері, шығармашылық мамандықтар өкілдері атап өтеді. Олар өздерінің гуманистік, ағартушылық міндетін абыроймен атқаратын талантты өрі ісіне құштар жандар.

Президентіміз Қасым-Жомарт Кемелұлы Тоқаев «Елдің рухани дамуы мен кемелденуі мәдениеттің қарқынды дамуымен ұштасып жатыр. Құлақтан кіріп бойды алар төтті өуен мен күмбірлеген күй, өуезді өуенмен үйлесім тапқан ырғақты би, рухани байлық сыйлайтын театр, кітапхана бәрі де осы мәдениет ұғымы аясында бірігіп, елге қызмет етіп келеді. Еліміздің атын шығаратын да - мәдениет пен өнер. Мәдениетке серпін беру шындығында да қажет» деп атап өткен болатын.

Осы орайда ауданымызда мәдениет саласын тұрақты қаржыландырудың арқасында материалдық-техникалық базасы нығайып, жаңа жобалар жүзеге асырылуда. Кең көлемді театрландырылған бұқаралық көріністер, аудандық деңгейдегі фестивалдер, конкурстар, байқаулар, сондай-ақ, аудан елді мекендерінде жыл сайын еліміздің өнер жұлдыздарының қатысуымен өтетін мәдениет күндері - аудан тұрғындары өміріндегі ұмытылмас сәттерге айналды.

**Құрметті мәдениет саласының қызметкерлері!**

Баршаңыздың шығармашылық ізденістеріңіз алдағы уақытта да халқымыздың дәстүрлерін сақтауға және оны дамытуға бағытталатынына сенеміз. Сала қызметкерлерінің кәсібилігі мен ынталы еңбегі ұрпақтар мен халықтар арасындағы берік байланысты орнатып, жас ұрпақты өз еліне және халқына деген сүйіспеншілігін арттырып тәрбиелеуді, тұлғаның рухани дүниесін қалыптастыруды қамтамасыз етеді.

Осынау мереке күні Сіздерге зор денсаулық, мәдениет пен өнерге қызмет ету жолында жаңа шығармашылық табыстар тілейміз!

Мәдениетіміз бен өнеріміз жасай берсін!

**М.МҰХТАРОВ,**  
аудан әкімі.

**С.СОЦИАЛ,**  
мәслихат хатшысы.

## Қадірменді мәдениет және өнер қызметкерлері!

Сіздерді кәсіби мерекелеріңіз - Мәдениет және өнер қызметкерлері күнімен шын жүректен құттықтаймын!

Сіздер ауданның өлеуетін арттыруда халықты өрелі өнермен сусындатып, рухани байлықты толықтыруға және игі дәстүрлерді жалғастыруда аянбай еңбек етіп келесіздер!

Ауданымыздың өнері мен мәдениетіне сүбелі үлес қосып, осы саланың мерейін көтеріп жүрген Сіздерге айтар алғысымыз көп. Киелі өнер жолында қасиетті Шет өңірін барша елімізге танытып, биік тұғырдан көрсетіп жүрген Сіздерге зор денсаулық, отбастарыңызға амандық, еңбектеріңізге шабыт, жаңа шығармашылық ізденістер мен киелі өнер жолында жаңа табыстар тілеймін!



**Гүлшара АХМЕТОВА,**  
Қазақстан Республикасының  
Мәдениет қайраткері.

## ҚҰРМЕТТІ ОҚЫРМАНДАР!

2023 ЖЫЛДЫҢ ІІ ЖАРТЫЖЫЛДЫҒЫНА “ШЕТ ШҰҒЫЛАСЫ” ЖӘНЕ “ШЕТ ӨНІРІ” ГАЗЕТТЕРІНЕ ЖАЗЫЛУ ЖҮРІП ЖАТЫР



## ҚҰРМЕТТІ ОҚЫРМАНДАР, “ШЕТ ШҰҒЫЛАСЫ” ГАЗЕТІМЕН БІРГЕ БОЛЫҢЫЗДАР!

АУДАНЫҚ “ШЕТ ШҰҒЫЛАСЫ” ГАЗЕТІНЕ 6 АЙҒА 1957.60 ИНДЕКСІ 65049

“ШЕТ ӨНІРІ” ГАЗЕТІНЕ 6 АЙҒА 1957.60 ИНДЕКСІ 65060

АУДАНЫҚ АПТАЛЫҚ БАСЫЛЫМДАРҒА “КАЗПОЧТА” АҚ АУДАНЫҚ ЖӘНЕ БӨЛІМІ МЕН ЖЕРГІЛІКТІ БАЙЛАНЫС БӨЛІМШЕЛЕРІНЕ БАРЫП ЖАЗЫЛУҒА БОЛАДЫ.